



**Scientia Salvatis, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

73. Fer. 4. Quæ oportuit Christum pati, nè pati detrectaremus.

---

[urn:nbn:de:hbz:466:1-59837](#)

MEDITATIO LXXIII.

Feria 4. Dom. Quinquag.

*Quod oportuit Christum pati, non pati  
detrectemus.*

**A**udiam prophetias de Passione Domini, ipsumque Dominum dicentem: *Oportet impleri in me quod scriptum est: Et cum iniquus reputatus est. Petam agnoscere, & imitari Passionem Christi.*

**C**ons. 1. Sicut dies & nox, serenum & nubilum a Domino sunt, sic ab eodem esse, quando nobis nihil deest; ideo ipse Luc. 22: dixit eis: *Quando misi vos fine sacculo, opere, & calceamentis, nunquid aliquid defuit vobis?* at illi dixerunt: nihil. D. Chrysost. ait: **Volebat**, recognoscerent totum divinitus emanasse: sic est contrario ibidem dixit eis: *Sed nunc qui habet sacculum, tollat similiter operam, & qui non habet, vendat tunicam suam, & emat gladium:* quorum verborum sensus est, instare maximam persecutionem, ut humano judicio opus videatur etiam tunica vendita gladium emere, nedum parare pecuniam in sacculo, & cibum in pera. Similis dicendi est modus Ierem. 9.

**C**ons. 2. Causam tantae præparationis esse ipsum Dominum ad prælia juxta prophetias descendenter: debuit enim Messias inno-

cens

Feria 4. Dom. Quinquag. 119

cens reiici, Ps. 24. v. 19. a discipulo tradi, Ps.  
40. v. 10. & Ps. 108. v. 8. vendi triginta ar-  
gentis, Zach. 11. v. 12. ut latro capi, Thre,  
4. v. 20. conspui, colaphizari, Isai. 50. v. 6.  
gentilibus tradi, Ps. 2. v. 1. mirè vexari, mul-  
tique pati, Ps. 21. qui Psalmus, quia de Chri-  
sto erat rotus, initium ejus incepit ipse crucis  
affixus, Matth. 27. Deus meus, Deus meus, &c.  
inter latrones reputari, & iterum mira pati,  
Isai. 53. per totum, ejus uestes sorte dividi,  
Ps. 21. v. 19. sitire, Ps. 68. v. 22. mori, Ierem.  
21. Daniel. 9. Isai. 53. v. 10. Ps. 40. v. 10.  
Num. 21. v. 9. sicut ipse Christus explicat,  
Ioan. 3. v. 24. Denique lancea transfigi,  
Zach. 12. v. 10.

Conf. 3. Hinc sequi: Si Dominus ad bel-  
lum it, ut servus non eat? si Dux, ut non se-  
quatur subditus? quomodo autem venden-  
da tunica, & emendus gladius, docet D.  
Ambr. in c. 22. Luc. Est gladius Passionis, ut  
exuas corpus, & ematur tibi sacra corona Mar-  
tyris; Offeram me sponsam custodibns, id est,  
occasionebus patientiendi, ut pallium auferant,  
imò & corpus.

MEDITATIO LXXIV.

Feria. 5. Domin. Quinquag.  
*Spes Resurrectionis minuit sensum  
Passionis.*

Vi.